

Progetus Isperimentalis de vida indipendente e de incroia de is personis cun disabilitadi - acabu de is tèrminis po intregai is dimandas su 24.06.2022 a is 13:00



Is punnas generalis de su programma funt:

- avalorai sa capacidadi de s'autoderminai de is personis cun disabilitadi e de atèndiri a sa vida fitiana e sotziali insoru
- ammanniai is possibilitadis po is personis cun disabilitadi de sceberai *cun chini e aundi* biri, chentza ddis obligai a unu assentu chi no apaniat sa voluntadi insoru
- ammellorai su pillu de autonomia in is atividadis de vida fitiana
- amparai is progetus de vida personali a tèrmini mesanu e longu imperendi una progetatzioni individuali po ònnia singula personi
- promovi is oportunidades paris de atzessu a is servìtzius de su territòriu
- allaniai sa solidariedadi sotziali

Reztidoris

Totu is mannus residentis in su Plus Distretto Sanluri cun:

- edadi intra is 18 e is 64 annus
- tzerificatzioni de disabilitadi cunforma a s'art.3 de sa Lei 104/1992, mudaduras e aciuntas afatantis
- disabilitadi mentali e/o de sa psiche a càrrigu de struturas privadas o pùblicas

Su scèberu de is benefitziàrius dependit de s'avaloramentu positivu de sa truma de profesionistas sotzialis e sanitàrius.

Is tzitadinus podint intregai sa dimanda prenendi su mollu chi agatant in su ligòngiu shorturl.at/ilmJQ e depint intregai puru is documentus afatantis:

- documentu de identidadi
- tzertificatzioni cunforma a s'art.3 de sa Lei 104/1992
- arrelata de su mèdicu spetzialista po cantu pertocat sa cunditzioni sanitària in totu (diàgnosi, àteras maladias,...)

Is documentus subra naraus depint èssiri bitius a manu a s'Ufìtziu Sotziali de su Comunu de residèntzia o intregaus a sa PEC distrettosanluriplus@legalmail.it.

**PO ÀTERA INFORMATZIONIS S'INDIRITZAI A
S'ASSISTENTI SOTZIALI, DOTORA IBBA SIRA :**

 070/93489390

 sanluriplu@unionecomunimarmilla.it